

本傳

公諱燕典。原諱英級。字賜階，號躋堂。廣東文昌人。先世由閩宦瓊。遂家焉。代不墮傳。冠蓋推爲望族。世有傳學。孝義萃於一門。曾祖子丹公。祖義亭公。考瑞軒公。並皆登雋一譽。學飽千蹊。隱德不曜。道風自高。子五人。公其長也。生挺殊姿。幼善奇慧。珠胎剖而吐芒。鵬翅張而刷羽。弱冠補弟子員。紀瞻奇士。江左無雙。叔閻秀才。洛中第一。時白公小山。徐公辛庵。檢才此邦。莫不以國士目之。辛卯以第六人舉於鄉。越甲辰成進士。以不隨時風衆好。卽用分發。懷英捧檄。幸始豫章。元亮爲官。最宜彭澤。未幾丁母廬。太宜人憂。解組星馳。作孝有同崔九。望雲雨泣。傷心幾類泉魚。天性純篤。人並稱之。丁未服闋。封翁促仍赴原省。初署崇義。旋補永豐。編行保甲。鄉約仿乎藍田。書可論蒙。治行推乎馮伉。以河堤鉞功。加知州銜。然中心耿耿。每以道遠不獲迎養爲憾。而封翁匡時念切。屢次手諭勉圖報稱。

## 志親堂集

清畏人知。胡子威操盟夙夜。膏不自潤。孔君魚譽播姑臧。器重上海。心傾  
輿望。癸丑復遭太翁喪。林無靜柯。孝子乖循彥之願。牘皆削木。小民深臥  
轍之思。志與願違。卒使負長才而不得展。時流寇逼犯省垣。大吏力挽。謂  
墨綏從戎。向有成例。公以力辭免。故劉磨巖殿撰臨別贈言。有願我公再  
出之句。則公之感人者正。不第甘棠蔽芾已也。生平以經世自任。謂職在  
親民。志存利物。溫飽不以縻心。措施敢辭棘手。故禁溺女。則人歌贊父。  
申覆盆。則民慶仁師。鋤彘強。則王允十奇。廣撫綏。則魯恭三異。而何武  
入郡。先詣學宮。傳翻居官。可垂縣譜。古所稱去後令人思者。不信然哉。靖  
節歸來。清風兩袖。安仁去洛。陋室一樣。當道復延主雁峯蔚文講席。生徒  
濟濟。立雪者匪僅游楊。善誘循循。得師者何分洛蜀。嗣又以邑志屬君重修  
徵文考獻。閱一載而始成書。他若建祠宇。以奠宗枋。修家譜以聯族誼。  
無不悉心經畫以垂久遠焉。公學有本原。尤精楷法。光風霽月。洒落常企  
濂溪。潛思力行。精詣不殊吉水。以是質疑者得其一二語。冰解理釋。此豈

志 親 堂 集

佔畢之儒所及哉。平時極慎起居。絕無嗜好。及以己未六月偶染痢症。遽騎箕而上昇。輒隕星而應歲。善人云亡。邦國殄瘁。嗚呼痛哉。嗣君熙恩以余誼屬葭莩。知君最悉。以行狀見屬。謹陳梗概。俟後有表汝南先賢傳藁陽耆舊者。必將有取於斯文。

賜進士出身

誥授朝議大夫知府用前知柏鄉縣事加三級愚弟邱對欣頓首拜撰

志 親 堂 集

---

本  
傳



四

志親堂集目錄 記序

記

重修永豐城垣廟宇河堤各工記

新建徐聞瓊文會館記

重修關帝廟記東郊墟

東閣里友文社記

崇文社賓興記

擬會同變通社倉置產碑記

序

擬會同變通社倉序

重修文昌縣志序代張邑侯撰

鄧綱堂貳尹詩序

志 親 堂 集

目錄

林暘谷詩集序

永豐嶺南王氏譜序

澄邁李氏續修合族譜序

瓊州馮御史支譜序

竹輿宗譜序

馬村房譜序

瓊山蒼一圖興賢賓興序

虎山書院賓興序

煥文社賓興序

韓洪美賓興序

溪西創捐賓興序

邑侯張浴汀公德政并壽序

志 親 堂 集

傳

鄭柏山先生傳

邢養愚先生傳

歲貢周壯其傳

節婦蔡林氏傳

行述

先考行述

跋

陳中秘稿跋

書後

書陳萃田詩後

目錄

書

上蘇璧臣師書

復南昌縣尹張蘭江同年書

復劉唐巖殿撰書

上廣饒九南兵備道某書

與王漢橋同年書

示

編排保甲示

保甲章程

詩

送劉唐巖殿撰應詔入都卽次述懷原韻

劉唐巖殿撰入都葆情恩准歸養再次述懷原韻



題張子光蘭菊竹三友圖

題友人友鶴圖真照

題羅灌餘安瀾圖

奉先考諱歸里劉詹巖殿撰以詩送行次韻誌別

壬辰北上同行者爲廣寧程毓瀾德慶李猶龍梁維城皆係新科沿途行店車夫要挾需索不堪言狀至王營起早更倍於前程李諸君憤極然會試期迫無可奈何因以貧身春塵人五字爲韻各賦七律

對月懷友

九月登趙王樓思親而作

赴禮部試家伯環溪夫子以詩送行即次其韻附來詩

聞生弼兒口占

登五層樓

嚴子陵釣臺

續娶張氏韓太史紫東以詩寄贈即次其韻附來詩

題鄒雲池憶母授經圖

壬子奉調晉省永邑士民餞送兼贈詩章率成七律四首

誌別

劉生煜璋以詩寄懷即次其韻

崇義署中登樓思親

題張仲玉孔雀畫扇

西南望月

祝某年伯大人雙壽

重修永豐城垣廟宇河堤各工記

城西南潞河。學宮在于城外。面河而建。自乾隆以來。續修者數矣。而牆裂  
堦陷。至於朽壞。河承葛溪麻江諸派之水。春夏盛漲。則城與學宮受其冲  
擊。前任衡山陳公。金匱秦公。倡議捐修。謀諸爵巖劉殿撰。羽可郭內翰。  
楚巖張運副。孝廉徐荆山。陳定齋。鄒劍岳。張子輝。拔魁徐靜山。明經宋  
響泉。廣文陳者圃。謝醉六等。與合邑紳士分局勸捐。得數武萬有餘。秦公  
白其事於大憲。悉可其議。余以己酉之夏。來蒞斯土。年歲豐稔。而地方士  
庶。皆安其拙而樂其成。遂增捐至七萬餘金。於是興工修築。城周圍九百  
一十丈。計內外身脚新築三百一十一丈二尺。拆修四百二十丈五尺。均抵  
一百六十八丈三尺。門七。樓五。砲台二。壕口七百八十五。寬厚高深全修  
如式。學宮崇崇闢大成殿。堂。庭。門。楹。制。其下爲泮池。大放坊。外爲宮  
牆。左爲明倫堂。右爲奎星閣。及名宦鄉賢忠義節孝各祠。皆葺而新之。堤

志

則護城者，自小西門至新東門四百二十九丈。護學宮者，其後二十丈五尺。其前則沿河而上至六一橋一百七十三丈。先築沙堤。車其水而澗之。地堅基石。地浮基本。概起砌焉。費所捐金。城堤各用三分之一。學宮不及一。乃修

親

上諭亭、文昌宮、關帝廟、東嶽廟、火神廟、先農壇、書院、狀元樓、鐘樓、寶塔、恩江葛溪二橋。又於省垣買置試館一所，餘以添書院膏火分存五鄉，以備公用。其所經理在城設一總局。以收五鄉繳數。及一切工料用費。五鄉勸捐。則視地遠近。各立鄉局。皆以紳士主之。至議定章程。稽查出納。則殿撰以奉

堂

恩旨歸養。居在城內。實始終焉。辛亥之秋告竣。同時文武出力者。並請敘

集

獎首事百數人。遵例請敘者十二人。捐生自鄒嗣衡等而下請敘者凡三百一十七人。其餘分別旌獎。備書于冊。夫閱數年之久。更一邑之舊而新之。以此見急公好義者多。而殿撰諸君子之力。可垂永久也。若夫振興文教。

輯柔爾民。俾文明日盛。衆志成城。則守土之責矣。余四年於茲。既幸觀大工之成。而才疎政拙。愧難副

朝廷所以重學保民之意。因記以自勸。亦願後之宰永豐者。蒸蒸日上爾。

### 新建徐聞瓊文會館記

天下都會要津之所。士商雲集。莫不建設會館。敦梓誼也。徐聞居瓊海之北。一葦可杭。鄉人士渡海而至者。踵相接。率投諸逆旅。各事其事。逾夕而去。後即知有某某者。皆其兄弟鄰里戚黨。而未由聯絃也。咸豐甲寅之冬。謀建瓊文會館。時則吾文韓公照堂。官徐學博。衆所倚重。而以王君某、唐君某、督理其事。集衆捐輸。又於貨之出入抽厘金以濟。計共得金三千。乃於城東昌明塔之左。購地縱口口丈。口尺。橫口口丈。口尺。坐西朝東。爲屋三重。繞以廊屋。堂寢庖湔。器具咸備。以中堂供祀。護國誠敬夫人。歲時會祀。聚講鄉誼。凡仕官應試之過此者。皆得投宿資助焉。以韓公官徐。

志 親 堂 集

王唐二君。合衆人之力而建此會館。以供鄉人之棲息。不可不誌其緣起。而某某猶殷殷不置者。則以吾文風俗之厚。氣誼之隆。凡聚會此館者。則必以善相勸。以過相規。喜慶相賀。患難相恤。在他鄉異俗之中。不失陸媼任郵之誼。若徒以宴會一堂。笑語喧雜。則此後雖歲時聚會之有常。亦殊非諸公所以踴躍樂輸之意。丙辰會館成。因家某某叔、屬某爲記。乃序其由而申其意。付諸貞珉。以垂久遠。若其樂輸諸姓氏。王唐二公別書于石。故不備書。

### 重修關帝廟記

東郊墟

東郊墟有關帝廟者。聚三圖之人以行鄉約之所也。建于乾隆年間。久而漸壞。咸豐甲寅倡議重修。於是衆情踴躍。咸樂捐資。得錢四百餘千。乃圖舉二人董其事。鳩工庀材。爲正殿一座。其下爲大門。門之外。往來衢巷。咸加環砌。規模工料。視前峻整焉。工竣。屬某某爲記。某某維關帝之祀遍天下。

志 親 堂 集

畫棟重簷。所在巍煥。非有怪異詭奇以驚駭斯人也。人之崇祀關帝。貴賤賢愚。罔敢不肅。非必阿諛諂媚。有邀求於帝也。忠義。人之道也。帝立忠義之極者也。人自有其忠義。故於忠義之神。而尊之奉之。帝自顯其忠義。故遇忠義之人而福之庇之。盡人可能。隨地可爲。不以分位限也。盡己之謂忠。行而宜之謂義。圖之中。父兄子弟而外。皆吾鄰里戚黨也。圖之外。仍吾鄰里戚黨也。德業相勸。過失相規。禮俗相交。患難相恤。莫不有義存焉。而盡吾心以出之。忠之屬也。如是則親睦可風。釋爭息訟。人和而神降之福矣。如徒以金碧輝煌。侈歲時宴會之有所。則雖修舉整飾之可觀。殊非前人建廟而行鄉約之意。某里人也。幸觀此舉。而猶喜吾鄉之進於淳也。故記其事而聞其意。至於勸捐樂輸。與凡董事者諸姓氏。應勒貞珉以示風勵。別鐫於石。茲不備書。

## 東閣里友文社記

志 水一圖之東閣里。地勢平衍。有小石山焉。大者如屋。小者森列環侍。若長  
老在前。卑幼拱手聽命。又若分居異處。氣相聯屬。而不至於相侵奪。石  
山之旁有溝曰龍井。有泉從石竇數處噴出。經旱不涸。霖雨輒應。縣府志所  
載仰高泉者是也。然而二百餘年無有過而異者。毋亦有數存乎其間與。道  
光丙午里人乃增築雨壇。而於其旁建社。以行禱約。額之曰友文社。既成。  
集衆人而語之曰。凡在此者。德業相勸。過失相規。喜慶相告。患難相恤。  
有不平者。以聞而後鳴之官。無遂訟也。語畢。有嘆於列者曰。是足享茲  
山川之樂矣。曩吾之居於茲者。不恃鄉里有是非。而恃官有賞罰。今則賞罰  
亦不足恃焉。事無大小。涉訟于庭。則吏役四出。牽繫之若牛馬然。既至。  
又牢而禁之若盜賊焉。於是恩竭其所有以脫其身。而賞罰是非。皆顯不問。  
當此之時。欲求相安于無事之天。而卒不可得。而况欲型仁講讓以樂於此



志

親

堂

集

耶。雖然，吾不敢以咎官也。而欲以告鄉人焉。何則，薄責於人者，遠怨之道也。官已貴周者，君子之心也。今之官與吾，非有父母之親，戚里之誼。一行作吏，數歲而遷。其治之能否，上司不得而知也。携其所得以養其身。以活其子孫，宜也。吾父不愛其子，吾兄不愛其弟，吾居不愛其鄰，道德之不修，禮義之不講，不憚憚然自責。而以責人可乎。孟子曰：出入相友。曾子曰：君子以文會友。吾欲以告鄉人也。而不敢咎官焉。余聞而思之。以前所稱爲官斯土者，戒。以後所稱爲官斯土者，勸也。遂因而記之。

### 崇文社寶興記

邑之西，何二園有崇文社焉。人習詩書，絃誦之聲不絕。蓋文風蒸蒸日上。哉。生徒既衆，則赴試之費日益繁，而力能自辦者必日益少。鄭君錫甫，詹君蘇憲，乃爲勸捐寶興。共釀金若干數，議以逐年生息，計歲所入，作爲四分。院試秋闈各一。獎賞一。其一以爲留餘，期不匱焉。事既集，介吾友徐壽

山屬文爲記。余惟學校旣盛。則蔚之爲人才。蒸之爲風俗。三代而下。用非所學。士之讀書稽古者。不能不以科名勞其形。科名旣得。乃與之從容研究。法則儒先。後之君子。又烏可忘其所自乎。是舉也。始於癸卯。迄于乙巳。三閱歲而始成。其樂捐芳名。錫甫等別書于版。茲不贅述。道光乙巳十二月上浣。邑人林某爲之記。

### 擬會同縣變通社倉記

代會邑侯某撰

天下事。求其便民而已。民之所便。雖昔無而今興。民之不便。雖昔興而今廢。社倉之法。每年春借秋還。計息所入。以半歸倉。以半供費。便民良法也。乃會邑行之。其始設於鄉。而幾至空廠。其後歸於官。而徒供鼠耗。至社正副之設。尤爲糜削愚民之端。民滋病焉。余乙卯之秋。權篆斯土。內輸楊蔗農。與合邑紳耆。懇請變通。議將社谷出糶。得價置產。改歸書院首事經理。豐年以助膏火。歉歲以供饋粥等語。余自維五日京兆。而忽更歷年之

成法。今日議吏。異日亦可議復。是欲救弊。轉滋弊耳。幸連牧呂公來署郡事。兼護道篆。內翰主講瓊臺。士民赴轅籲訴。因據情上達。得報可。乃余倡捐經費。諸首事所需。不以此項取給開倉出糶。凡存谷一千二百五十二石五斗。共得價一千二百八十四千六百三十六。置了菱洞塔洋橋二處田十八坵。秧地一十二坵。兩排每年收租七十二千。完糧之外。實存六十八千有奇。余宣言於衆曰。此六十餘千之入。其利幾何。盍求所以增益之。乃以施姓充公田。撥爲每年經理諸費。而加會都下堡紳民亦薦田三坵。諸紳士又設簿簽捐。衆情踴躍。約捐有千串。遂將已收捐項六百二十千。先置烟塘市西北黃七塘等處田。連秧地共三十一坵。計前後契價二千有餘。視谷價增倍。而又議十年以內之租息。仍添置產。十年以外。乃給膏火。是舉也。倡之者楊內翰。成之者郡尊呂公。勸捐置產諸紳士。咸著勤勞。而合邑便之。不啻宿痼痼疾之頓去焉。爰序其巔末。刊冊勒碑。以垂久遠。後之人毋謂余輕變成法也。

重修文昌縣志序

代張邑侯撰

文昌隸瓊東北。三面環海。內據紫貝玉陽諸勝。自來名賢碩彥。與夫科甲之盛。輝映後先。且其風俗茂美。人敦廉節。視通都大邑。猶將過之。蓋山川秀靈所毓。積久必興。重以國家雅化覃敷。無遠弗屆。師長以董。子弟以率。有由然也。余乙卯之秋。權篆斯土。官在親民。卽宜有以稱其職。舉凡山川之險要。物產之多寡。民生之利弊。風俗之淳澆。賦役之盈縮。政事之張弛。亟取志書翻閱。思所以整頓而維持之。而字跡模糊。板多朽蠹。且溯自康熙五十七年。襄平馬公續修而後。迄今百四十餘年。其間沿革興衰。一故。漸就湮沒。爰集議重修。輿情悉協。余因捐廉爲倡。諸紳士分路採訪。前承豐令林某<sub>某</sub>服闋。尙未赴部。孝廉雲惺吉、吳南洲、雲廣伯。均需次家居。屬以纂輯。凡其門類。或沿或增。逾年告成。而余以瓜期代至。應以數言弁首。竊維志與史同例。史以備事。仿史以備義。其蒐輯宜勤。其紀載宜詳。其

勸懲宜著。昔華陽志成於常璩。武功志成於康對山。以邑人而言邑事。故事核而足徵。今諸君廣搜博訪。公心核纂。上以備一統志之採擇。下以垂百世之文獻。必臻完善矣。若夫占尾野。則思修省。覽山川。則思經畫。稽戶口。則思安全。視城池。則思保固。觀學校。則思教化。考賦役。則思均平。文風民俗。何如振興。正士名媛。何如表闡。此則余所日夜講求而期一當者。茲將行矣。因書之簡端。願以告後之官斯土者。

### 鄧綱堂貳尹詩序

吾鄉綱堂。官太和貳尹。上下知名。余亦敬慕之而未獲一晤。初非爲其能詩也。太和故善地。丞之職貳於縣令。民間詞訟。不及訴於縣。賴丞爲排解。而膺是職者。卒皆視爲利途。顛倒是非。故官焉輒富。綱堂淡然寡營。愛民息訟。甚至傾囊相助。日與邑人士聚酒論文。詠歌自適。士民敬服。爭欲綱堂之尹太和而不可得。當道久知之而不能也。咸豐壬子。太和漕案起。署

志

親

堂

集

官解任。改委蔡香谷大令。瀕行。張撫軍諭之曰。聞鄧丞。久得民心。必諮詢而行。綱堂因是從容勸導。不數日而漕事集。民樂更生。匪徒猝發與官爲仇。獨不肯加害綱堂。且羅拜稱好官焉。嗟乎。利之所在。衆必爭之。使縣官得如綱堂。則不至有警變。殺戮千萬。綱堂目覩之而不能救也。綱堂官日久。吟咏漸多。因出所爲詩若干首相示。余受而讀之。凡所吟咏。皆有關於立身行己。忠孝廉節之大防。蓋緣其性情正。志量超。閱歷多。而更事熟。故直抒胸臆。具有精理名言。非若他人之以藻繪見長也。使綱堂得展所長。則宣

上德意。諷諭閭里。必於世大有裨益。豈僅以詩自娛哉。然不遇矣。而詩存。則後之讀是詩者。猶得因其詩以知其人。而不至與他丞等。則詩烏可散佚也。是爲序。

## 林陽谷詩集序

吾族宗支蕃庶。先世之以詩名者。代不乏人。顧所傳佳章。僅於坊本得其一二。若全稿則散軼無復存者。豈其人生前。原不欲以此傳。而後之子孫。又聽其散軼而不傳也。己亥之冬。某某計偕入都。而家彥生亦適有蘇州之行。沿途結伴。相與致叙宗誼。彥生出其先祖暘谷公詩稿相示。某某拜而讀之。因思公天分穎悟。博覽典墳。每與朋儕聯句。輒冠其曹。今得見其詩。而猶恨不見其人也。復思公客遊吳楚。一生之閱歷。與一生之精神。盡屬於詩。吾幸見其詩。尚不如先世之散軼不傳。則又以自解。夫以某屬在同宗。而見吾族之以詩名者。猶爲欽慕不置。然則爲公後者。其欽慕又當何如也。彥生樸誠。能紹先業。將以遺稿付梓。爰書是以還之。至其詩。諸公論之詳矣。故不復贅。

道光十九年十一月九牧六房裔孫某某書於本昌舟牛

### 永豐嶺南王氏譜序

序

一三

天下者。郡邑之積也。郡邑者。鄉都之積也。鄉都者。族姓之積也。族之人親親長長。而族和矣。郡邑鄉都之人。各親其親各長其長。而郡邑鄉都治矣。而天下平矣。六合之外。九州之遙。其秦越視人者。曰不相往來也。不然。則非其感里也。有說也。鄉都之中。父執朋友。姻親戚黨環列也。喜慶患難相矜恤。飲食遊戲相徵逐。而片語不合。視同仇讐者。曰予不同姓也。亦有說也。一族之中。由身而溯之父。由父而溯之祖。溯支派分。而本原不分。服制殊而血脈不殊。孝弟愛敬之心。可以油然而生矣。欲致其孝弟愛敬之心。於是敦睦族之事。而譜牒其先務也。永豐嶺南王氏。其先世曰炳文。在宋時爲南昌郡守。其子卜居於茲。更歷數朝。支派蕃衍。以衣冠世其族。茲乃續修譜牒。武魁王君雲。因乞余言爲序。余觀其溯本原。奠世系。別昭穆。詳事蹟。又採輯先正格言。著爲勸戒。皆毅然互相勸勉。以敬宗收族爲務。以故自宋以來。科甲聯翩。內而起居注御史。外面郡博縣教州佐縣令。常不乏人。豈非其祖宗之留貽者遠。而後之人繫繼繩繩。能守家訓於勿



善也哉。夫族以人大。人以德大。以人大。非謂其衆多也。以德大。非謂有異行也。遇親則愛。遇長則敬。智以教愚。賢以育不肖。同祖分爲各房。各房分爲千百人。使千百人之人。相敦仁讓。共立身名。而鄉邑則而倣之。斯望族矣。余作宰永豐。未能使一邑之民風盡歸醇厚。而世家大族。苟能親睦一堂。爲通邑倡。則亦有其漸焉。故不辭而爲之序。

### 李氏續修合族譜序

道光癸巳。余計偕入都。時李地山觀察管秩司馬。自滇入見。聚首累月。余每嘆立身行己之難。觀察亦示余以獲上治民之要。蓋其尊人拙齋先生。以拔魁任貴州清鎮縣。觀察少諳吏治。以政譜爲家譜。言之獨詳。則必仰其門戶之盛。繼述之隆。而猶未悉其本源也。今歲丙辰。觀察之族人。續修族譜。以慶甫章甫董其事。持舊譜屬余爲序。余按李氏。系出高陽。至周時伯陽爲周滅史。孔子所從問禮者也。嗣後分趙郡隴西二派。散居天下。碩德偉人。

彪炳史冊。無煩覲縷已。宋至道間有尊三畏公。由閩官瓊。占籍萬州琉川。其二世祖仲德。生師孔師政師記師中。政與記。後失傳。師孔公蓋仍籍琉川。是爲琉川派。師中公曾孫諱文英。以鄉貢授徒於澄。遂居澄之倫驛。是爲倫驛派。其十二世孫有<sub>傳</sub>成者。復由澄分居定之龍拔塘三地爲家。而皆出自三畏公之後。前明王桐鄉。唐比部。兩先生序之。確有明徵焉。自宋及今。三邑子孫。撥巍科。登顯仕。或父子高第。或兄弟聯芳。以及蜚聲聲序。式化閩里者。指不勝屈。而若福庇公之忠烈。廷槐朝欽公之孝行。獻公之道學。則尤推爲鄉國之光。而非徒爲宗族之望者。豈非其祖宗之貽謀者遠。而後人繼繼繩繩。引休於勿替也哉。夫仗祖宗之功德。以派別支分。傳世久遠。乃相視如塗人。而或牽強附會。以自混其宗派。此又與於矯誣之甚者也。李氏此譜之作。自前明士宏岱之二公會譜於京始。國朝順治康熙天乙朝欽公繼修之。嘉慶雲峰公又修之。今慶甫辛甫二公。合族人續修。愈引愈長。已而。思未經會譜之先。三邑各自爲譜。何其慎也。既經會譜之

後。三邑合爲一譜。何其親也。語云。本大者末昌。根深者葉茂。今觀察在漢。宏著勳猷。懋膺恩眷。其詰嗣少山。歷中外任。與三邑子孫。蜚聲騰實。極衣冠之盛焉。敬序而遷之。且以質觀察也。

### 馮御史支譜序

瓊山馮氏。巨族也。其先文備公。自宋徙居橋頭。是爲始遷之祖。迄今閱世二十。衆族數千。顯官偉人。累朝相繼。而前明若庵公。以進士官御史。抗節直言。忠義之聲。載於郡邑志。尤爲炳燦。族奮有譜。累次續修。凡所以篤恩義。正倫理者咸備。所以示勸懲而啓後人者甚詳而有法。前賢邢湄。邱文莊。唐西洲。諸公之序。言之詳矣。道光庚子。葉計偕入都。御史公之孫。典堂。亦需銓都門。晨夕過從。嗣典堂官長沙。某得第分發江西。睽闕者數年。癸丑甲寅之間。先後奉諱旋里。典堂乃邀族續修族譜。而各支於數年前。先自分輯。已付梓矣。於是斷自御史以下。自爲支譜。既成。屬序於某。

且惻然於分支之故。某維族之有譜。所以考世系。辨昭穆。別源流而已。積世而房分。積房而支分。其日處於分者。時與勢也。由身而溯之父。由父而溯之祖。其源歸於合者。心也。族之中親其親長其長。以至不獨親其親不獨畏其長。雖異居別戶。不可謂分也。若以一人之心爲心。而不以祖宗之心爲心。以親支爲心。而不以合族爲心。則雖星羅棋布。族大人繁。甚至養異姓以亂綱常。冒他人以混宗派。而心異情睽。不可謂合也。馮氏族譜。其於作述之善。疑信之論。無胥絕遠之道。燦然大明。(邢邱二公常稱之)固知今日之暫爲分者。皆其常爲合焉者也。雖然。自御史公而下。代有傳人。父子兄弟叔姪。相望後先。其增光譜牒。以獨隆此一支者。又豈異人任哉。典堂勉之。毋以分合爲介也。謹序。

竹帳宗譜序

人本乎祖也。世代雖遠。而溯所自出。則固一源焉。房支雖別。而溯所同出。

志 親 堂 集

則猶一氣焉。周禮外史掌邦國之志。辨昭穆。奠世系。嗣是有姓氏繁。而歐陽氏蘇氏族譜之作。永爲世規。不綦重哉。吾宗竹嶼一房。安撫使諱克紹公後也。我入瓊始祖。安撫使諱退公。自閩遷瓊。分長次房。長諱洵武。所謂南里派者是也。次諱洵仁。傳至人文始祖招捕使諱俊邁公。生克明、克敏、克恭、克紹。敏公溪西祖也。恭公白延祖也。明公之後居瓊山之射叙諸村。元朝至今。科第相繼。而瓊文相去百餘里。會聚乃稀。紹公之後。初居文之長岐。後遷南畔遷深嶼。即今之竹嶼也。生子三人。時值擾攘。散居翁嘉棟村福架諸墟。然所存草譜國朝進士諱其籠公。始寔安而付梓。蓋射叙隔於地。符輒缺於譜。故溪西白延之譜。明與紹二公遂闕焉。咸豐丙辰。竹嶼續修宗譜。以叔祖仁圃紹五董其事。旣成而屬某爲序。某維先王之教。首重親親。祖宗以一人之身。衍爲各房。其勢不得不分。而由各房溯之。則出自一人。其源未嘗不合。吾林氏以忠孝起家。以詩禮垂訓。後之人繼繼繩繩。罔敢失墜。故雖分支別派。而聽祖彜訓。率祖攸行。皆足以光昭令緒。行嶼值多事。

之時。遷徙靡常。而累世潛光。久而必發。其籠公於本朝首開甲榜。嗣後代不乏人。書聲不熾。卽如仁圃紹五二叔祖。皆積學能文。蜚聲庠序。時輩以遠到期之者也。此豈人之自爲與。抑祖宗所貽者遠與。夫仗相宗之德。葉茂枝蕃。傳世久遠。乃相視如途人。豈親親之意耶。然則竹嶼之譜。其與南里溪西白延分者。猶之乎射釵也。而同祖入瓊。同祖人文。則敬祖宗。敦孝友。仁讓型族。醇謹持躬。以紹世德而昌後嗣。貴乎人之自立。而不得與南里溪西白延異也。某以吾族散居各處。每追念祖德之長。而猶願族人之互相親睦。不振家聲。用竊竊然有餘思焉。故盥手而爲之序。

### 馬村房譜序

吾族馬村一支。乃吾房伯祖諱昌燦公之後也。燦公子二人。長諱遠。次諱進。二諱爰。遠與爰。係嫡妣馮氏出。進庶母某氏出。今其子孫蕃衍。與族人尊卑相序。喜慶相告。然而既不同譜矣。事經先世。其是非得失不敢知。今

年春。通族開局修譜。馬村兄弟以合纂請於族。既不獲。請某某乃纂其先世源流。使之各自爲譜。且言曰。族之有譜。所以敬祖宗。辨昭穆。敦孝弟。講仁讓也。人之所以人。族之所以族。莫大乎是。吾人瓊祖。一人耳。分爲長次房。又分爲各派。今則南里自爲譜。溪西自爲譜。吾白延又自爲譜。其他之自爲譜者。不悉數焉。然而平居相接。則惟以是數者反覆相勸。又曷以不同譜而異哉。然則馬村一支。其不能合纂者。艱於成案也。至於祖宗之宜敬。昭穆之宜辨。孝弟之宜敦。仁讓之宜講。則又視其人之自立。而族人固不能以相限也。皆曰諾。譜既成。因此言書之簡端。使知人與族之所以見重者。固自有在。竊願以交勉也。是爲序

瓊山蒼一圖興賢社賓興序

國朝二百餘載。文運昌明。無遠弗屆。鼓篋之士。爭奮于功名之路者。比戶皆然矣。瓊山之蒼一圖。風俗雅淳。人習詩書絃誦之聲。雖大都莫過焉。圖

舊有洗夫人廟。夫人當陳梁間。有功嶺南。故廟享不廢。相傳前明邱文莊公。過此默禱於神。迨公貴顯。大而新之。圖之人歲時祈報。以行鄉約。故至今益盛。咸豐丙辰黃生元甲。林生開祥。議捐資興。衆情踴躍。共得制錢若干。勒碑于廟。以垂久遠。屬余名之而序其事。余維邱文莊公。吾瓊之賢者也。文章事業。卓著前明。海內之士。猶聞風而興起焉。周官大司徒之職。以鄉三物教萬民而賓興之。三物者。六德六行六藝也。鄉大夫之職。考其德行道藝而興賢者。遂名之曰興賢。夫吾人之爲學也。斬至於賢而已。人誠不賢。曳青紵紫奚貴焉。人誠賢。食貧居賤奚恥焉。圖之人士。習聞夫文莊公之學術。而景仰其爲人。則必志其志。學其學。取其所言所行而誦習之。以涵養性靈。以變化氣質。植基於忠信。樹坊於廉潔。臻乎精微之域。以要夫大道之歸。進則措施于時。退猶薰其德于一鄉焉。吾意其入此廟也。景慕前修。思其如文莊者。而去其不如文莊者。其興者衆矣。其賢者庶幾矣。雖然。三代而下。士隆科目。吾瓊僻處海島。積學潛修之士。或限于資斧。



而末由應試。今圖中倡捐資興。議自大小試以及春秋兩闈。咸有資助。獲售者獎勵有差。以斯圖絃誦之盛。而又遇

聖朝文明之化。吾見朝取暮取。必有聯翩鶻起。蔚爲邦國之光。如文莊公前日事者。願圖之人士互相勸勉也。茲因二生之請。敬序而名之。至勸捐章程。與凡樂捐諸姓氏。二生別記之於石。故不備書。

## 虎山書院資興序

虎山。縣北之名勝也。山石奇秀。若虎踞然。道光初。邑人唐君某某。林君某某。邀建書院於茲山之麓。爲堂三間。周以垣牆。其下爲大門。中祀

文莊公。配以邱海二公。願經費無餘。歲不常會。絃誦之地。漸淪於荒烟蔓草。蓋有年矣。咸豐丁巳。潘君某某等。相與謀曰。文昌武帝。吾輩所欽崇者也。文莊忠介。吾輩所取則者也。前日舉之。而今日廢之。非所以爲功也。乃勸捐資興。遞年生息。計歲所入。酌分之爲修葺費。爲獎賞費。爲鄉會水

志

親

壁

集

脚費。其歲時祭祀宴享咸取給焉。數月之間。衆情踴躍。共得制錢千有餘千。於是將議定章程。與凡捐輸者之姓氏。應得刊梓以垂久遠。而屬業爲序。業維天下事。倡始之難。而繼成者亦復不易。鹿洞鵝湖。不有後人爲之修理。安必至今長存也。吾文地處濱海。業在詩書。而距省千餘里。距京師九千餘里。每歲大比。致嘆於資斧之不給。所在皆然。今經費有常。不虞或匱。春誦夏絃之有時。敬業樂群之有地。以士人服習之勤。此地山川之勝。扶輿旁薄之氣。蔚爲人文。登臨仕而掇巍科。可指日待矣。願德行本也。文藝末也。文昌主持桂籍。而原本於孝友。關帝光耀古今。而根由於忠義。文莊忠介。出身科目。而勳業足以光昭史冊。著述足以羽翼聖賢。卓爲名人。而海內景仰者。正自有在。吾人被服儒。先遵循師訓。則必澤躬於詩書。束身於圭璧。出爲柱石。處爲坊表。豈僅爲科名之弋獲乎哉。夫天下之大才。本於學校。天下之民風。由於士習。學校之盛。卽風俗之所由淳。某邑人也。與諸君子幸生邱海之後。而皆有維持風教之任。故序其事而重其

言。竊願相期於遠大也。謹序

### 煥文社賓興序

國家右文學化。重熙累洽。無間遠邇。而吾邑文風。與諸名郡相並。蓋勳志詩書。不自憊於庸衆。吾邑是已。邑故有賓興。然科場既多。則有所遺而不能遍及。及矣。而仍不足爲士人資斧之助。此煥文社賓興之議所由起也。社建水一圖之北約。約之人士。肄業於斯。人才之多。學校之盛。社誼誦彬。彬。韓君某某與其族人某某。乃勸捐賓興。得制錢若干數。自郡試院試。以至春秋兩闈。咸有所資。而又不虞其匱。章程既定。徵序於余。夫賓興。善事也。捐資興。善人也。某某自維淺庸。其言不足以見重。願地方有盛舉。則樂爲稱道以傳之。今茲社賓興。不勞而集。以此見人心好善之公。而吾邑風俗爲最醇也。方今文明日盛。約之士應時而發者日益衆。而不復有行囊羞澀之處。則是舉其高矣。增而益之。推而廣之。更有望於後之君子。是爲序

## 韓洪美寶興序

韓氏。本先儒忠獻公之後。宋時其五世孫諱灼。官廉州太守。始籍于文。子姓蕃衍。分居各處。其遷居昌述者。自諱仁政始。數傳諱玘。字洪美。贈刑部主事。厥子五人。長諱儉。登明成化丁酉鄉薦。次諱儼。不仕。三諱俊。號木山。登宏治丙辰進士。觀政刑部。遷員外郎。以參刻劉瑾罷。瑾敗。起刑部郎中。至河南按察副使。當時考試廉能天下第一。清聲亮節。詳于志乘。四諱倫。膺貢。五諱价。廩生。迄今十數傳。五房子孫。皆以詩書紹其世業。于是其孫鍾翼妙彝等。聯集衆人。倡捐寶興。凡子孫之就學者。應試者。遊庠者。貢者。癯會試中式者。仕者。皆有資助。其花紅獎勸。各有差。以咸彝從業遊。因屬爲序。業維族以人大。人以學大。以人大非徒謂子孫衆多也。以學大。非必有奇才異等也。家敦廉讓。戶習詩書。智以致愚。賢以育不肖。由身推之近支。由近支推之遠祖。共相親愛。爭自濯磨。要使人人有士君子之行。斯族稱盛焉。且忠獻公。其先祖也。木山副使。其近祖也。材質固

自異人。而要其聲施當時。流傳後世者。則莫不由于學。忠獻公倡之于先。衍聖學之傳。副使繼之于後。樹吾邑之望。有志之士。皆景仰而則效焉。此固爲之後者所當追步前徽也。夫賴祖宗之功德以有子孫。資先人之餘緒以有儲蓄。乃或至相視如途人。而擁其有餘。以爲酒食遊戲諸費。凡族人之美有材者。竟至以無功而中止。自來世俗之壞。恒必由之。今諸君此舉。行見五枝競秀。五桂蕃昌。而可謂知所本矣。斯意也。猶願以聞于世。庶人各爲之。而世族長享。吾邑亦與有光也夫。

### 溪西創捐賓興序

吾祖自宋遷瓊。環海而居。欲有他適。非船與楫不能也。守祖宗遺訓。說禮教詩。欲求聞達。非取科第不能也。然而富者溺於財。貧者困於力。欲其振拔而不至於自廢。非資興不能也。蓋賓興者。取科第之船楫也。說禮教詩者。則用船楫之人也。溪西與白延。同次房。前明以來。科第相望。而賓興之

書闕如。於是按名捐資。逐年生息。讓自院試鄉會試。以及遊庠補廩。選貢  
單式。登第授官捐職諸項。咸有資給。惟不捐者不得與焉。事既集。而屬  
某某爲序。其維船與楫。以資渡海者也。我渡而資之。利也。我未渡而人資  
之。亦利也。獨是爲我渡而置之。爲我未渡而棄之。則夫不可有。父母生數  
子焉。既能成立。必使之親師就傅。奮志功名。以光耀祖宗。幸而俱成。無  
所吝也。卽一有成。仍無所吝也。之數子者。亦必互相敦勸。但願有所成就。  
以稍慰父母之心。而不必其成於己焉。理也情也。祖宗、族之父母也。閱世  
而房分。又閱世而支遠。原其始則一人耳。不勤習詩書。不努力進取。非  
顯宗之心。勤習詩書。努力進取。而又必惟我之爲。初不計族人之並我而  
爲。繼我而爲。與夫可以有爲。而無其資者。皆棄其船與楫者也。今按名捐  
資。不勞而集。族之人互相敦勸。發科登第。指日俟之。船楫俱矣。固將候風  
以渡海也。然某某實不與捐者。因書以自警焉。道光二十六年歲次丙午孟  
秋月上浣朔日白延二十六世裔姪孫某某謹序

## 邑侯張浴汀公德政並壽序

國朝二百餘載。德澤旁流。無遠弗屆。而親民之職。莫如州縣。則宣化承流。而風澤下究者。恃賢侯之運量而已。瓊州居大海之中。文昌隸其東南。地廣而鮮可耕。人滿而少富貴。前縣人蒞斯土。類皆有造於文。而息事安民。輿情愛戴。則今於浴汀張侯見之。侯直之遼化人也。尊甫芷塘先生。以孝廉知安嶺之五河縣。荐升安慶司馬。懋績循聲。具詳志乘。侯乙酉選拔。就州別駕。籤掣廣東。歷任臨高崖州儋州定安瓊山瓊防軍民府。皆有惠政。而在峴平黎邊寇。瓊山值儋州劉文楷之案。練勇籌費。厥續尤偉。遂保升知縣。加知州銜。乙卯之秋。始權文昌。解煩苛。絕請託。案無留牘。民以安恬。縣叢科試。舊以院試規費。率取償於首列。吏具以白。侯曰是市道也。豈可以易吾素哉。乃禁招搖。防詐僞。清水平衡。焚香薦士。以今視昔。罔或異焉。侯今年六十加八。邑之士民。爭謀製屏稱觴爲侯比壽。而屬某某爲序。

某乃歎侯之德足以感人。而文之人。咸知嚮風慕義也。

國家設立牧令以鎮撫此民。未能利之。且勿害之。未能定之。且勿危之。每見才能之吏。以發摘爲名。以風厲爲治。操之過蹙。而頑梗無知之徒。起而煽動其間。於是官與民睽。而元氣之傷至於日甚。侯之宰文。纔數月耳。地方之利病。時思所以補救。而吾文之人。愛之敬之如是。假令通都大邑。得如侯司牧其間。則積邑而郡。積郡而天下。其所全可勝計哉。然則今日之祝。非僅爲侯祝也。毋亦願侯精神之固。馴享大年。而斯世斯人。久沐膏澤焉。祝侯以爲地方也。然則今日之祝。非特於文驗也。所以見斯人親愛之忱。不容自己。而有感則應。必踴賢宰焉。祝侯以信人心也。斯意也。固當以表於世。謹錄之以誌官民相得之雅。若夫咏緝衣而頌有臺。則酌兕稱觥之旨。父老子弟競誦以侑壽觴者。不能殫述也。是爲序。



孝廉鄭柏山先生傳

先生姓鄭，諱乃憲，字仲欽，號柏山。文昌水子鄉人。先世居閩之莆田。元初有諱宏者，爲粵東宣慰司。兼肅政廉訪司。遂老番禺。其子遠，爲文昌司訓。始居文之霞洞山。今之水子鄉。則其十一世孫榮先公所遷也。自籍文後，以文學世其家。科名不絕。祖諱君銘，拔貢生。好學教品。詳郡志儒林傳。祖母符太孺人。父諱景成，庠士。性孝友。安貧篤學。爲世所重。母韓太孺人。先生五歲時。伯兄瘡於痘。亟令遠避。乃從門竇望而哭之。涕泣橫集。年十歲。從父就學。往來祖墓所。每焚香再拜。若有所祝者。事堂上一人。曲得其歡。屬父病。晨夕薦湯藥不解帶。所居距文教墟二十里。延醫買藥。日三往來。忘倦焉。先生年踰五旬。居韓太孺人喪。經營窀穸。短笠徒步。遍歷山川。盛夏不避。蓋其始終盡禮。必誠必信。數十年一日也。性嗜書。不徒淹博。必求根柢於四書六藝。與儒先發明道德之旨。故其爲文。風格高古。力追先正。

志 親 堂 集

傳

三十一

詩情超脫不多作。書法規矩晉唐。未嘗一筆肆焉。其素性然也。嘉慶庚申補博士弟子。戊寅食上庠餼。道光辛巳元年有

詔舉孝廉方正。當事者以名應。辭不就。壬午領薦鄉二十五名。丙申會試薦卷。既得旋失。蓋自是不復應試矣。先生志行沈毅。處事精謹。馭婢僕法而有恩。待子姪仁而有禮。家貧貨財不足以自給。而其廉足以愧貪。其惠足以警吝。爲諸生時。與瓊山粘質夫茂才、定安張灝山方伯、同遊馮魚山先生之門。因與友善。既而先生舉孝廉。與質夫親摩窮廬。質夫死。助其子營葬。方伯貴顯。久稀尺素。方伯益重之。嘗遺書云、足下慵作書殆甚於僕。僕不之怪而反喜。以時輩多作寒溫語。未必真投契。人固重心交耳。其後方伯旋里。修府學宮及瓊府志。先生與焉。前後設館數十年。五主瓊臺講席。遊其門者。多所成就。立社於鄉。倣周禮讀法之意。兼行藍田呂氏鄉約。里人爲之還淳。雖不遇於時。其道不大顯。而其效則可親矣。配邢孺人。男三。曰樸、曰楷、俱業儒。曰權、庠生。女三。長適教諭王三柄。男槐鼎。次適附貢生

雲汝霖男子簪。三適廩生雲鴻男逢祚。孫男五。蘭徵揆出、蘭士、蘭生、蘭奇、楷出、蘭如。權出、孫女二。楷出生於乾隆戊戌年二月初一日酉時。卒於道光乙巳年十月二十七日巳時。享壽六十有八。以丙午年八月初四日葬於塋鰲之原。卯向兼乙。所著有柏山集行世云。

燕典曰。先生以道學自任。介介然於世。世敬且愛之。豈人之震其名與。抑亦深觀其實也。余嘗與先生處。言貌藹然。及觀其私室獨居。必重壘疊壁。慮有所缺陷者。身爲道學。而不以凌人。此先生所以見重於世與。

### 邢養愚先生傳

公姓邢氏、諱開梅、字嶺先、號南峯、晚號養愚、世居文之梅柳村。其先原籍汴梁。世傳梁邢武經大夫之後、宋南渡初。有邢十二郎十三公者。始遷於瓊之文邑。公乃十二公之二十世孫也。十二公始居觀霄。四傳諱胄監遷上儋。五傳諱瑞鼎乃遷梅柳。支派蕃衍。爲文巨族。曾祖諱帝德增生。妣氏蔡。祖諱

淳一屈賁。妣氏林。父諱元溶。妣氏林。繼父諱元深。妣氏李。元溶生公兄弟四人。公行三。少孤。而嗣于元深公。出入奉命唯謹。屬親病。躬侍湯藥。至衣服亦自澣濯。見者異之。應曰以盡吾心耳。及卒。哀毀骨立。喪葬盡禮。同懷弟先逝。事二兄如其父。教諸姪一如己子。蓋孝友自性生也。少聰穎。有文名。弱冠補邑庠。旋試優等。補增。困於棘闈。而好學不倦。以詩書文章自娛。家貧授徒爲業。前後及門千餘人。公先品行而後文藝。教爲文不事艱深。一執理法。故一時人士。皆彬彬出門下。而不計脩脯。單寒者猶周濟之。館脩所入。歲終以給親族。作除夕費。又以濟族黨之貧急者焉。與獎夫敦節義者焉。或貸而不償。不與校焉。生平敦宗睦鄰。排難解紛。爲族黨所信服。前明建十二祖祠於潭牛灘。圯廢百餘年矣。公聯族重建。不勞而集。道光丙午創捐其族資興。并建武經祖祠於南文。而邢十三公之支派遂合。村中嘗與白士林姓派充官役。幾至構訟。公親踵林祠。一議而定。癸丑甲寅之間。土匪竊發。公奉官示諭。集衆團練。遂以安謐。其他矜孤重義。保全善類皆

如此。嘗誡其族人曰。人苟以天地之心爲心。則無不當愛之人。以祖宗之心爲心。則無不當愛之兄弟。亦可知其志行矣。孝廉鄭栢山、廣文韓照堂、文學陳良圖、皆重公。遂訂交焉。著作多散佚。存有養愚集六卷。學者稱爲嶺先先生。卒之日。諸儒會弔者數百人。生于乾隆丙申年五月二十六日辰時。卒于咸豐乙卯年八月十一日未時。享壽八十。配王氏。臨高歲貢王德馨公姪女。太學生三聘公長女。丈夫子二。長焯、次煇、俱先公卒。女一。適增生符顯誥公之次男即用訓導名慶雲。孫三。保墟、焯出保基、煇出保出。

### 歲貢周壯其傳

君姓周。諱嘉猷。字壯其。水一圖東約老坑村人。先世諱必大。宋進士官右丞

相。其後歸透梅者。與昆季子姓。匿名避亂。遂入瓊。傳至四世。遷居瓊之員山。其居老坑。則十二世祖也。自籍瓊後。累代簪纓。具詳譜牒。君其二十四代孫也。父諱同仁。增生。有學行。君少奉庭訓。稍長。從學博王雙溪先生遊。穎悟過人。學使傅公考取入庠。嗣後試輒優等。補增食餼。雷州陳觀樓先生。主講粵秀。往從之。文思日進。肄業瓊臺。與會同楊蔗農齊名。觀察費公。許以科甲中人物。各贈朝考卷。令其學習。楊登丙申進士。君中年授徒徐聞瓊文之間。爭相延致。及門成名者。指不勝屈。其發科則李君向桐可數焉。君應鄉試十餘科。屢薦旋失。年五十四。考充歲貢。遂自歎曰。昔衛武斃年道德。今余未及耄。而概可知已。又曰。吾一生無以醫國。聊學醫人。於是彙集群方。詳究脉理。閩里資以救濟者甚衆。君精於易理。凡持身涉世。親及玩象。口講指畫。卒皆應驗。行誼素孚於鄉。有雲楊二姓爭墳地。構訟數十年。君一言勸和。旋相輯睦。辛丑之間。匪徒竊發。君集衆立約。鄉各設長。家各設錄。相相助。境賴以安。其他修族譜。建祖祠。立社學。捐賓興。

諸美舉。皆君出定議。羣情樂從。嘗訓其諸子曰。禮義爲儒家耕種。淫邪爲吾人螟螣。凡物厚則可久。薄則易敗。汝輩勉之。嗟乎。世之禮耕義種者幾何人哉。彼其以刻薄爲心。以巧詐爲能。自多其術。以示後人。豈不一時得計哉。而古來之傳純品。則率以其束身圭璧。乃無忝於君子之修。聞君言。宜何如自處耶。昔李克論相有居視其所親云云。後世以爲知言。君之友如孝廉鄭栢山先生。學博葉君棲鳳。皆時所稱君子長者。然則君並可不沒已。君卒年六十有四。子三人。克紹家聲。其長汝孚庠生。從予遊。以行狀相示。因採著於篇。俾後之知君者。庶幾有傳焉。

### 節婦蔡林氏傳

道光二十四年七月十六日。蔡氏子世芳病故。明年七月十二日其婦林氏飲藥死之。於是孝廉鄭栢山先生嘉其慷慨殉義。製爲輓額。鄉人士各爲文以祭。某某奉先慈諱家居。聞其事遂爲之傳。婦飛龍鄉人。監生林字長女。年十八歸芳。芳獨子。翁姑愛婦甚。婦亦謹修其職。大小內外咸賢之。會芳

病。婦調理數月不少懈。若死。戚里哭集於庭。忽失婦所在。衆大駭。則已歸房自縊。慚慚欲絕矣。逾時救甦。婦默然。時翁姑既愛其子。兼憐其婦。與衆人旦夕慰解。婦亦默然。遂喜笑自若。爲若忘其夫者。衆志大定。次年七月之初。託言省視其父。道經母墓。忽大哭半日。乃至飛龍。宇與諸子慰留數日。忽謂其次弟曰。汝將完親。惜余不便歸矣。蓋宇以是年臘月爲次子學衍成婚也。初八日。冒大雨歸。宇不能留。而翁適外出。阻雨連日。婦默然。十一翁歸。乃托病就寢。次早忽稱腹痛。翁姑惶遽。欲尋醫藥。婦嘆曰。死運矣。翁不早歸也。昨夕飲藥矣。十六芳之期也。婦欲以初十死。爲初虞也。言訖氣絕。時年二十有六云。

論曰。婦亦爲其難耳。蔡氏家故饒。婦苟不死。亦以節稱。然與無所恃而自守者異矣。故貧家之婦節以生難。富家之婦節以死難也。或曰婦苟終事翁姑。爲芳立繼。其視死猶愈焉。嗚呼。是後世之託於中庸以全其生者。婦所不暇計也。



諸封奉直大夫增生顯考瑞軒府君行述

嗚呼。不孝等罪孽深重，天降鞠凶，延及府君，溘然見背，痛哉。既不得奉養，承歡，俾府君少娛晚景。不孝之罪大矣。尙復何言。獨念府君一生誠樸。與夫嘉言懿行。推重於鄉里戚黨。若使久而就湮。厥咎更重。敬和淚濡毫。粗陳梗概。用備採覽焉。府君姓林氏。諱之琮。字瑞軒。瓊之文昌白延圖湖村人也。先世祖諱遷。唐邵州刺史諱蘊公十世孫。宋高宗時由閩宦瓊爲安撫使。遂家瓊山。其後移居文昌。支祖諱克恭，官判寨。其子孫散居白延一圖。世稱白延林氏。自遷瓊始祖傳至府君。二十五世。曾祖諱應科。庠生。族譜載敦篤儒雅。隱惡揚善。妣邢氏。祖諱人桂，增生。族譜載篤行力學。誘進後生。遠近有長者之稱。妣馮氏。考諱邦幹，庠生。妣贈文林郎晉贈奉直大夫。族譜載守正不阿。處事平允。妣孔氏。妣贈太孺人晉贈太宜人。生府君同叔輩五人。姑一。府君其長也。府君生有至性。六歲時，曾大父携就

行述

三九

志

親

堂

集

書館教讀。一日倦臥。府君端立于側。祖父自外至。問之。對曰。祖方困睡。慮蠅擾爲逐之耳。祖父竊喜。幼嗜經史。手抄口吟。無間晨夕。爲文一軌先正。酬發義理。書法端謹遒勁。年二十三。於萬提學諱承風科案補郡庠。嗣後屢試前列。補增。有聲庠序。時輩期其遠到。先祖常患腹痛及足疾。每發時。府君撫摩不倦。至隨先祖應歲試。凡所飲食。視先祖所宜。親自購買。嘗之而進。夜則靜候寢處。先祖嘗怪曰。豈遽至於危。何愚若此。同寓者咸傳誦焉。先是應郡試時。祖妣孔太孺人瘡發手上。府君尋醫得痊。乃就道。逾年遊庠。先祖謂祖妣曰。去歲若手不痊。兒當誤考。若手幾誤兒功名也。道光癸未。丁先祖艱。哀毀如禮。而春秋雨露。輒悲涕不勝。葬于鷄龍山。祖妣孔太孺人。於辛丑謝世。哀葬如喪先祖時。服闋以後。從容語諸叔曰。彞術者言。吾父當壽終於外。又言吾于親歿時或不在側。吾常憂懼。故不應省試。今父享壽七十。母壽八十四。亦幸其言之不驗也。嗚呼。府君之用心其摯如此。府君友愛諸叔。遇事相推讓。諸叔亦敬府君。請而後行。府君入泮

後。以次叔三叔屏當家務。而自就館地。授四叔五叔讀。所得餘脯。悉以濟家。先妣盧太宜人。手口拮据。時出粧資相助。故諸叔冠婚營室。納監遊庠諸費。咸有所給。而府君不多自與焉。諸叔婚舉。先祖乃分給田產。令府君與先次叔及三叔別爨。三叔所得田。嫌其糧重。府君以己田易之。先次叔中年讓嗣。府君令於諸姪中遍擇所愛。先次叔以不孝英士對。先妣有難色。府君曰。吾重違次叔意也。竟以英士出繼。次叔先逝。府君哀念不已。自爲文手書以祭。詞意悲綿。不忍卒讀。平生屏跡公門。胥吏罕見其面。居鄉里間。儉約退讓。未嘗妄冀非分。亦不欲求勝於人。當訓不孝等曰。人無本業。則爲遊閒。不節儉。則必貪妄。至於處事待人。當思己有不是處。先時買一幼僕養之。長大。其父母意欲別賣。冀得重值。乃令其子先避。而詭詞求贖。府君心知而竟許之。又有僕向府君借貸。而書其女爲質。後將其女許嫁諸于府君。乃焚其券。不孝燕興於提學白小山師諱銘科案充邑附生。翁遂庵師名心存科試。徐辛庵師諱士芬歲試。皆一等。或謂稟許冒濫可

補廩。府君亟止之。後數日科試幸列第一補廩。人謂府君之食報也。癸卯纂修族譜。府君指示編校。就事剖晰。宗黨咸服。所教人以教品力行為本。獲售者衆。其餘亦多持行誼。不孝燕與辛卯舉于鄉。府君益加策勵。甲辰會試幸成進士。分發江西。到省數月。聞先妣廬太宜人訃。奔喪歸里。服闋後。迴念再護一官。卽奉慈諱。愛日之懷。竊欲長依膝下。府君促之曰。吾精神尙健。汝弟等在家足養我。汝其勉之。謹慎供職。爲國爲民。毋以我爲念。因泣受命。戊申春到江西。委署崇義篆。己酉補永豐。辛亥府君年七十五。豐人士各贈詩文屏畫寄祝。府君復諭之曰。以是貽我。情亦難却。然汝當益圖報稱矣。每思海北天南。未獲援例乞養。中夜惶懼。不能自安。而府君累次手諭。皆云我康健勝前。汝謹守初心。料理地方事務。忽於本年四月十八日。接得家信。稱府君於去臘念旬始患足疾。據醫云血氣兩虛。急進參桂溫補之劑。癸丑元日猶強起受子孫羅拜。無他恙。嗣後精神疲倦。手足漸覺拘攣。醫藥罔效。竟於正月二十二日戌時見背。嗚呼痛哉。罔極之恩。何

志 親 堂 集

時已耶。府君生乾隆丁酉年十月廿六日亥時。終咸豐三年正月廿二日戌時。壽七十有七。前年迭次恭逢覃恩敕封文林郎。誥封奉直大夫。先妣盧太宜人先府君卒。敕贈太孺人誥贈太宜人。子五。不孝蕪典道光辛卯舉人。甲辰進士。歷任江西崇義永豐等縣知縣。充己酉科鄉試同考官議叙加知州銜。娶王氏。先卒。繼娶張氏。次不孝英士業儒。出繼。娶張氏。次不孝英綿監生。娶李氏。次不孝英錦娶孔氏。次不孝英錠娶韓氏。女一、適韓儀翼監生。孫六、照弼照恩不孝蕪典出。照軫照輔不孝英士出。照科不孝英錫出。照洽不孝英錠出。女孫六。俱幼。不孝苦塊昏迷。語無倫次。伏乞先生大人。採擇俯賜銘誄傳誌。先及泉壤。不孝世世子孫。感且不朽。

## 陳中秘稿跋

陳翁似先生。當明之季。以進士官中書。幾陷於禍。歸田後。又值鼎革。忍憤  
資志以終。清風亮節。與天地日月爭光。今讀其詩文。其真誠篤摯之意。露  
於楮墨。非若人之徒以藻繪見長也。先生所選南溟詩。板已不存。所著中  
秘稿。僅有抄本。而世相傳寫。不無訛舛。茲其後人將以付梓。因受而讀之。  
且幸得所未見焉。夫以先生之立身行己。表著卓卓。文章特其餘事。而後之  
人。讀其書。想見其爲人。宜若何思感思奮。珍如珠璧。詩文云乎哉。

書陳萃田詩後

萃田先生，以刑名遊江西。所在全活。知先生者。知其刑名也。歲人脩脯。以濟親友。又喜製醫藥以救人。世故知其樂善也。然某竊聞其事母孝。孺慕之情。老而逾篤。獨欽慕焉。茲示以所爲詩。因自言少孤不得達於學。而託於初學之意。某受而讀之。其聲調格律。爲黃萃農司寇劉磨嚴殿撰所歎賞。使其置身廊廟。歌詠功德。必當追蹤前賢。以是知向之所稱者。尙不足云。而先生實無乎不可也。無乎不可。而人知其刑名。知其樂善。某先聞其孝。今誦其詩。果足盡其底蘊乎。夫懷才而不見知。知矣而仍無以盡其才。是故士審所以自處也。然則先生亦樂其在我也。敬以質之。

## 上熊璧臣師書

志 親 堂 集

夫子大人鈞座。敬稟者。某某今春本擬趨赴省垣。叩聆訓示。旋聞各縣晉省者。皆不稟謁。遂使依戀之意。莫由自申。恭維夫子大人福祉增庥。禔躬集祐。師門在望。心祝維殷。某某深荷栽培。恩施逾格。中夜循省。惟恐偶踏愆尤。爲門墻玷。兩任以來。雖賠累有加。而公私粗適。足以稍慰慈懷。近聞夫子查訪周某。假作感福等語。竊聽之餘。實深惶悚。伏思某某去秋叩謁時。仰承訓誨殷殷。欽銘五內。反任來承問案件。不敢妄責一人。該丁並未敢妄奏一說。卽因修理城垣。劉詹巖殿撰與鄉間紳士諸凡面商。皆無私議。惟去歲修漕時開倉三日。某某先生曾言該丁有需索之弊。某縣承于舊規二百之外。復薦漕館。家人均經允從。繼復求上米。某某未許。又以去年九月代理。六日面講幫費。乃有門丁靠不住之說。某某一聞此言。卽逐日親自下倉。私爲訪查。據各花戶均稱循舊上米。毫無加費。迨收漕完竣。外間議論。



嘗以本年上漕糜費較省。竊思此言所因自衙署起也。某某係初任。清慎自守。所任兩地。士民皆安其拙。至署內家人。樸實者。則無能。明白者。又滋弊。歷經察出。不能盡言。惟尙某感念薦拔之恩。尙無劣跡。而責任過重。大非衆人之心。不知某某實因需用乏人。非敢故爲迴護。偷蒙賞賜劉某。則前言之眞僞立白矣。肅繕蕪稟。恭請崇安。伏祈鑒察。

### 復南昌縣尹張蘭江同年書

蘭江仁兄大人同年閣下。差至奉手示。以奉首府憲語。及郭口口於護院面前。力詆弟用人之不當。門丁之專橫等語。并荷指示一切。深蒙垂注。感激難名。惟事有根由。不得不爲細述。弟在永數年。謹慎自持。地方皆能相諒。尙無怨聲。惟郭某某之子某某。去年承買王姓業田一案。查得以六房公共之田。價值千餘金。獨與三寡婦議價八百千出賣。其子孫之長老及有功名者。均不在場掣契。到手田價不清。便欲執契收租。以致王姓攔阻。即以

本年之租結利。作爲田價。求其斷業歸郭。其父坐守在縣。出言挾制。聲稱此案不斷杜竇。必布散浮言。渣聞 大憲。迨其晉省。先後接蔣矩亭秦子叔信。皆明示其意。弟以州縣審問案件。若顯紳士恐嚇。不獨公事難辦。抑且自失體統。故一面趕集人証擬稟本府委審。一面將此案情由繕具清摺。以便 大憲札查稟覆。至門丁周某派辦錢稿數年。公事平順。亦無把持蒙蔽劣跡。去年八月此案未訊之先。郭某曾致送該丁書畫聯扇。囑其求情。經弟叱斥。便撤其稿案。另派劉某。嗣後郭某着人致意。該丁推却。因此屢有怨言。第思家人舞弊。惟稿案最易。該丁前辦稿案。郭某尙且見贈。今不辦稿案。乃謂專橫。其故可思也。現該丁累次求去。弟以征解緊急。未便驟易生手。非敢故爲迴護。去之不難耳。郭某之事。通縣共聞。共見。今既於護院面前致讒。皆意中事。惟再三思維。與其徇情而枉斷。貽笑地方。不如徇理而受毀。問心無愧。因錄此案情由。開具清摺四本。附呈鑒核。并乞於首膺憲及各憲詢及之時。代爲轉遞。俾弟之委曲得伸。實深感戴。肅此奉復。

即請升安。

### 復劉瞻巖殿撰書

瞻巖先生年大人閣下。適奉惠復。極荷垂廬。恪誦週環。實深感佩。敬維侍  
祺綏吉。潭府凝床爲祝。家叔等在永。荷蒙分屋而居。已爲逾格。又概邀寵  
召。優禮相加。受惠益深。直難言謝。前謁新署院首。詢台駕能否來省。竊  
思刻下辦理團練。大紳士俱在省垣。章江之行。似不可少。仍望鴻裁。城工  
等事。前謁方伯廉訪。皆贊其辦理甚妥。惟專奏彙奏。俟再確查奉達。然想  
必係專奏也。至冊如刊。就乞惠百本。省中索取甚多。故爲轉懇耳。湖南捷  
音頻聞。然賊匪被圍。數日來未得探報。聞向提軍云。不怕賊多。只怕賊竄。  
羅蘇溪中丞曉諭居民。若有土匪藉端擾害者。格殺勿論。皆爲時下急務。  
吾永團練不能調遣。然保護地方。實不可緩。前見當道。皆首及此事。某某  
此次奉調。大憲並無意見。祇緣新任急欲調劑大缺。自揣難膺。指缺而求。乃

有此舉。任似不難。然亦聽之當道。不敢期必。某幸炙左右。於榮辱得失之間。微有會悟。現在省聽鼓隨班。比身任地方。較爲安適耳。卸事以來。回思地方情意。率成口占錄呈。誨政。不值一嘆也。肅此奉復。並抒謝忱。卽請鈞安。伏祈垂鑒。

### 上廣饒九南兵備道某書

敬稟者。某某茲四月十八日戌時聞訃。丁親父憂。當將印信存庫衙門。日行事件。委捕衙代折代行。一面具文通報。詳請委員接署在案。茲憲牌委卸署永豐縣事候補縣某令代理。現在彙銷緊迫之際。征收貴在得人。方有起色。尤不可任意挪移。致滋貽悞。伏查某令於去年八月來署永豐。徵收全漕。所收漕務項下約銀一萬三千兩之則。現今漕尙未辦。歷年辦漕增割入欸等項。以及兌費銀兩。迭奉憲牌轉奉糧憲札。催某令。至今是否批解。無從稽查。此外各衙門捐款。均無一解。交卸之後。某令復倩友携串下鄉。



志 親 堂 集

經某某稟知憲台飭交。至三月十五日始趕回友人移交裁申。其任內又有催糧捆差之案。經憲台訪問。委員密查。尙未了結。茲民間聞某令代理。藉詞刁抗。征收更難。某令廿五日奉到憲委。即傳諭庫書備錢壹百千。立等應用。經書以征收未起。自恐將來難繼。羣思求退。現彙銷在卽。代理人員處分原輕。某令前往署理。批解遲延。猶欲於卸事之餘。征收新賦。今復代理。難保其不任意挪移。置公事於不顧。兼以民情觀望。經書推辭。設或貽誤。關係非輕。某某與某令係屬同鄉。并有年誼。特爲慎重公事起見。不得已帶印呈繳。據實稟明憲台核奪。至某某於二月二十日回任。某令於三月十五日將所裁新申移交。始得核對。徵冊設櫃徵收。所有經徵銀兩。逐一清交。不敢私行侵虧。致煩憲廬。合併陳明。

與王漢橋同年書

漢翁仁兄同年大人閣下。客秋抵里後。曾具蕪緘。想蒙垂覽。嗣揚蔗翁旋接誦惠書。仰承垂念殷拳。感激奚似。敬維新禧懋介。道體綏和爲祝。去冬公

書

五

輔董昆孟諸公會。詢知禁行入都。定于今春。現今所在需人。九重殿慮。凡在  
羣子。豈敢自妄。前手諭所云。具見憂世之心。形諸楮墨。讀之實深感佩。竊  
維今日之事。皆由外間虛浮粉飾之習所釀而成。迨至事發。仍復相率爲僞。  
掩耳盜鈴。至于日甚。閣下此行。在帝左右。必能匡扶補救。望甚幸甚。第一  
介庸愚。才識短小。前在江西。自念職在親民。撫字催科。均關緊要。故數  
年以來。地方事務無不竭力施爲。士民相安。至錢漕一項。征不敷解。計開  
補從前虧短數至萬餘。而大憲考成。似不以此爲急。前年奉先嚴諱。被署任  
多方苛算。幾至不能庭里。幸孑然一身。衣服變賣。乃得自脫。前效如此。異  
日又將何爲能爲聖主分憂耶。自抵舍以來。室家衣食之累。均以及身。今  
年領瓊山李明府之聘。謬主雁峯。藉資糊口耳。宦海波濤。驚尙未息。現  
屏當家務。比前更覺不易。後出之期。俟卜葬先妣後。再爲從容設措也。禱  
蒙垂注。故爲陳。北行有期。仍求惠示。至途中尙當結伴。一切均望鑒重。  
謹此奉覆拜禮。敬請台安。

### 編排保甲示

爲曉諭舉行保甲，以弭盜賊事。照得現奉府憲。轉奉臬憲行奉督憲札。務飭卽曉諭紳耆，設立公所，督率牌長，按戶稽查等因。奉此。查編排保甲。古之良法。據除本縣捐備紙張，印刷門牌給發外。合行曉諭。爲此不仰該紳耆紳耆知悉。爾等共舉衆所信服之人。爲之董事。擇其誠實之人，充當牌長。設立公所。酌分段落。令各戶報明男婦大小年貌若干口。將本戶完糧數目。習何事業。一併註明。造冊送縣。給發門牌。按冊填發各戶，懸掛門首。令牌長逐戶稽查。何戶爲匪窩賊。無不深知。遇有行踪詭秘及面生可疑之人。立即告知董事稟縣。如有良善之家被匪徒擾害。竊賊誣扳。公同呈明。以憑嚴拿究治。倘牌長容隱不報。察出從嚴治罪。庶小民自顧身家。匪類無所托足。閭閻勉爲良善。本縣有厚望焉。特示。

## 保甲章程

一 每都繪一圖，凡田疇山水道路橋梁店亭寺觀之屬，皆入圖繪。而以民居分布其間。一一標記。某保某村某墟某姓字樣。

一 每都登一冊，冊中開載各款式列後一都中共幾保，本都四至接壤，東界某，西界某，南

界某，北界某，東西若干里，南北若干里，大路通某處，小路通某處，須與圖中所繪相符。

一 某山某田某坡某塘某墟，共店若干其戶口仍照民居列某路店舖幾間，某寺某廟某橋某亭，各註地名，須與圖中所繪相符。

一 本都分保編戶，挨次開列，姓名年貌，自祖父母及本身妻妾至子孫婦女與同居叔姪親戚并婢僕等人口盡數開列。

一 某戶爲土著，某戶係新籍，某家住已屋，某家賃何人屋，某家僱工幾人，係何處人，一一註明於各戶之後。



一村路店舖掌櫃何人，俗稱老板僱工幾人，是否日間賣飯，夜間歇客。

一單丁男女老幼乞丐，係某姓之人，即另列於某姓各戶之後。

一異縣流寓之人，如宗祠有照管，廟寺有住持，須查明主於何姓何家，有無生理，并附登記。

一山棚異籍係何處人，山主何人，何年居此。其姓名年貌家口一一開列。

一城內四坊。給簿四本并筆墨。鄉間每都各給紙簿筆墨。交差送交地保。會同都中紳耆挨戶填寫。按都繪圖。以便填發門牌。其差役飯食，及紙張筆墨之費。皆由縣中捐給。不許科派平民。若有需索情弊。查出重究。

一各鄉都，俱有義倉。向歸紳士經管。現今舉行保甲。即於義倉內作為總巡公所。至查拿匪徒。自當籌給經費。茲本縣於龍雲興平遷鑄永豐四鄉。各捐錢一百千文，明德鄉地方遼闊。於上八都捐錢壹百千文。下八都捐錢壹百千文。以爲之倡。各花戶量力捐資。俱交義倉首事掌管生息。專爲巡查獎賞之力費。不許侵銷義倉。亦不許另項支發。其各都戶冊。於填給

門牌之後。一併發交義倉首事。以便稽查。更換填註。

一編牌。凡各村大者數百家。小者數十家。及數家獨戶不等。無論村之大小。

以順路爲次序。按冊上逐村人戶開列十家一牌。牌用黃脚粉面天糝。十家姓名呈送過錄。其寺

觀廟宇。無論村內村外。俱令一體編列。不許遺漏。

一每十家設立牌頭。督率十家。輪流稽查。十家之中。有無匪類。按月呈報。

一每鄉選舉鄉長總理之內。凡宣講聖諭化導愚民。并本鄉各社經提聲明之

事。其鄉長令各鄉公正紳士等。詳慎選擇。素行可稱者。合詞公舉。每

鄉擬三五人報縣。以憑親選。不得隱蔽賢能。亦不得徇私妄舉。

一鄉都各戶。有窩賭窩娼窩逃等所爲不法。牌頭鄉長。報明紳士。送官究

治。倘或徇隱。被傍人報發審實。將鄉長重處。

一屬境東西南北四隅。遍設望樓。計地方橫直五里內外。於高坡要路總會

之處。植立四柱。寬廣丈餘。中作上下兩層。上層瞭望。下層坐守。上蓋

瓦。下圍土牆。牆上中間大書望樓二字。兩旁書盤查奸匪。嚴拿盜賊八

字。內設柳籠燈籠各一。以備守夜之用。

一望樓內。許携帶器械防護。不得私用違禁等物。亦不得携酒影飲。及偷安貪睡。始勤終惰等弊。致干查究。

一望樓內。每夜按冊上門戶。輪流派定。一夜在更。不拘風雨。在內巡更守夜。上交下接。週而復始。不得推諉。

一每夜按更擊梆。遇有匪賊踪影。方可鳴鑼。各村居民。聞鑼齊赴協友。助擒獲賊。不得私打攪擾。卽押送縣城。以憑訊究。

一各鄉拿獲盜賊逃人。審出有窩藏之家在某鄉某村。立拿窩藏盜逃之家。并將不報之牌頭。從重究懲。

一本鄉各村有警及夜間失火等事。附近守望之人。聞報不卽飛馳協同救護者。查拿責懲。

一本鄉聞警擒賊。別鄉助拿。孰爲先到。孰爲後到。孰爲不到。該牌頭痛長。明白確查。徑具確實情弊投報。以憑分別賞罰。

一擒獲盜賊一案。報送到官。給賞銀五錢。爲是夜守望人等酒食之費。或賊盜已逃。追遺牛畜贓物報繳到官。俟招失主認領時。令該失主量贓物重輕出資。以酬守望之勞。

一同鄉各村之內。非族屬子弟。即姻婭友朋。有貧窮疾死者。宜互相賑其困乏。有爭鬪口角者。宜互相爲之勸解。有游惰浮蕩之少年。宜規其謹厚生理。有忤逆暴橫之卑幼。宜責其改過自新。有婦人守節無資者。宜爲之捐助養贍。以成其志。是皆尙德好義。存心忠厚。凡各鄉長爲之勸導而首倡之。同鄉之人聞風而樂效。凡某鄉人戶一年之內。並無違條犯法之事。與輿詞告狀之人。至歲終加賞鄉長。送給一匾。以示獎異。

一城街市鎮。兩頭建設柵欄。柵門宜高大。柵欄宜堅。門上排釘鉄山字倒鑿。使不能踰越而過。

一本城已有現充四坊之坊正。皆仍其舊。至市鎮墟場。各選立一市長。無論本地異鄉。必平日公正行事服人者。衆人公舉。與地保鄉長牌頭。共管理

本鎮場之事。

一城街市鎮。按冊編牌。與各鄉村無異。每十戶列一牌頭。稽查本市十家。如有事故。投鳴市長。

一按牌上名次。輪流巡夜。一夜兩戶。公備椰羅各一。夜巡牌一塊。夜行簽一枝。

一交夜巡牌。如上首二戶輪值。巡過一夜。次早將牌及椰羅夜行簽等物。送交接巡之戶。上交下接。遇而復始。

一給夜行簽。每夜定更後。值巡夜者。將柵欄門鎖閉。以禁出入。唯有遇病延醫人臨產接穩婆向巡夜者說明。給以夜行簽。開門放行。回即將簽收繳。

一凡值巡夜者。如有偷安貪睡。及不鎖柵欄。縱任出入。該市長稟究。至有以失竊失火具報者。先將是夜輪值之人重責。枷於本處示衆。

一本縣查勘點驗。所有飯食。俱係自備。及跟隨衙役。俱不許費擾民間杯水

粒米。如有指稱供應名色。及跟隨飯食科派及民等事。一經訪查。立拿盡法重處。決不姑貸。

一境內如有外來逃荒男婦。牌頭鄉長。查明稟報。護送出境。倘有恃衆索擾不法情事。亦即具稟。嚴拿究辦。

送劉詹巖殿撰應詔入都即次述懷原韻

大儒重出處。前聖如初詔。處逢反哺私。出則嘉謨告。先生受特知。束魯持

文教。一念戀庭幃。十年遲樞要。先皇記憶塵。道光甲辰何祺雲太僕典試嚴東召對時上問曰爾同年劉某何以不來

舍滯行棹。門種桃李新。開主講堂洲青原書院國祇文章報。聖王首祚開。羣材供策效。

延訪重舊臣。徵求恐及耄。不出奈蒼生。衆望相環繞。會當作霖雨。沾濡遍

海嶠。君民兩字擔。泉石一何較。願言策治安。勸思廣覆幬。佇聽廊堂前。

數計而燭照。歐陽有新衣。鄭獬原忠孝。能慰堂上心。敢辭楓陛召。賤子幸

名區。養親殊祿盜。拊循愧乏才。冰雪難言操。要工願遠謀。衆志安無躁。

重修學宮城堤各工皆賴衆衆定議得以次第修理此別雲泥懸。望風久顛倒。處我竟何如。藉免他日譖。

劉詹巖殿撰入都陳情恩准歸養再次述懷原

韻

詩

六一

仍是乞養歸。又得承恩詔。大人赤子心。兩朝嘉人告。竭來路萬千。行止無非效。辨義殊不廉。兩美必兼要。當其奉詔初。物論同奔棹。或擬却聘書。或謂皇華報。賢者固難知。推測均罔效。君言不宿家。親志恐傷竈。欲安堂上心。暫辭膝下繞。資君以事親。驅車踰嶺嶠。報國日方長。從容殿前較。葵誠帝曰俞。萱闈天所燾。安心舞綵衣。日月從新照。在昔達人多。幾見全忠孝。絕裾慶襲我。採芝熟周召。子子爲身名。着意修嫌盜。此舉在倫常。勇退非明操。循陔頌皇仁。餘風鎮俗躁。嗟予有嚴親。名塲徒潦倒。何時賦歸來。一雪泉明論。

### 題張子光蘭菊竹三友圖

志士勵清操。人生重晚節。徒爲愛牡丹。毋乃趨炎熱。君學有淵源。詩畫稱兩絕。愛菊復愛蘭。修竹相怡悅。芬芳不在言。志行期高潔。幽淡伴春秋。虛心各契結。杏闈乘桃笑。三友俱難缺。願勉君子修。猶當傲霜雪。



志

親

堂

集

### 題友人友鶴圖真照

吾家和靖翁。放鶴孤山右。又聞趙清獻。携鶴成都守。鶴豈能爲名。清風齊不朽。先生江南來。相鳥乃求友。知交屈指數。此朋能耐久。未慚鸞鳳侶。竟當松竹偶。情投似漆膠。彼企亦山斗。畫圖自珍藏。展眼看飛走。

### 題羅灌餘安瀾圖

君有安瀾圖。風波殊未熟。我從海上來。浮沉不一足。爲述危險形。使君益栗縮。大海混濁清。同舟甘恥辱。詩恐泣鬼神。士最慚科目。詭怪伺其舟。漚沫時吐毒。一朝遇順風。萬里飛迅速。平地黑雲生。風濤相起復。巨浪欲浮天。孤舟直行陸。舵師叫號頻。船輕可不覆。大桅植或千。中桅百五六。願而指曰斧。斷者不復續。葦苴竟謂珠。懷璧將焉贖。蕩然一虛舟。身幸免鯨腹。歷盡波瀾驚。始識安瀾福。君抱利濟才。安居乃不卜。君志自超超。我生空碌碌。便當賦歸來。穩坐看馳逐。

詩

六三

奉先考諱歸里劉詹巖殿撰以詩送行次韻誌

別

此去猶嫌晚。乖違反哺心。救時無善策。滿地起商音。歷盡斯民苦。空爲遊  
子吟。出處均失據。愧對斗山深。

其二

竊祿來珂里。翻欣學有基。相逢皆道義。所益在襟期。俗美容藏拙。境遷倍  
繫思。海天頻悵望。隱約認滄碑。歐陽文忠公謫開阡表在永豐明德鄉

其三

後會安能必。強顏話再來。承歡宜健旺。時先生乞養家居奉旨辦理團練勸捐事宜惜別易傷哀。室內

蘭多秀。謂孫世兄縣取案首天邊雁有回。順時勤自保。擔荷異非才。

壬辰北上同行者爲廣甯程毓瀾德慶李猶龍  
梁維城皆係新科沿途行店車夫要挾需索  
不堪言狀至王營起旱更倍於前程李諸君  
憤極然會試期迫無可奈何因以貧身春塵  
人五字爲韻各賦七律

揮酒傾囊竟不貧。艱難險阻試吾身。山川歷盡常依日。霜雪閒過況及春。到處俱能增眼界。此心幾許着風塵。卽今勞碌征途裡。同是龍樓鳳閣人。

對月懷友

傷心無奈別離何。旅伴無人聊自歌。陟盡山巔初近日。久離海外不聞波。每懷吾友懸春樹。始恨輕舟似擲梭。一樣愁情憑月問。思君思我孰爲多。

詩

詩

九月登趙王樓思親而作

六六

辭親遙向帝都遊。未陟岵岵且上樓。子婦服勞無一事。嚴慈盼望已三秋。五更風雨關心早。萬里雲山屈指收。此去漫誇明主遇。曾何補答二人愁。

赴禮部試家伯環溪夫子以詩送行卽次其韻

願望無窮今獲借。久懷恩誼叩衙齋。河鯉半借燒尾術。貽馮全憑鞭力佳。途間已經欣漸熟。山屨陟頂恐尤乖。吹噓還得東風便。何日扶搖達九街。

附來詩

久別江東許忽借。羅陽繞道訪寒齋。九霄得路誰先接。千里神駒汝最佳。漫說芳蘭經我植。猶欣老眼未人乖。北來雁信應須早。報道馬蹄上御街。

聞生弼兒口占

奚奴報道是男郎。引得阿翁興若狂。自笑吾今該子債。猶欣汝得繼書香。高堂有喜精神健。良友相談酒食忘。好好寢牀休啼哭。家傳淡泊勝膏粱。

### 登五層樓

葫蘆了却東西漢。百尺猶餘南粵樓。天命到頭歸有德。臣心輕手付荒邱。高依魏闕九千里。雄峙梅關十二州。爲報猿匪毋自孽。時連州爲匪不靖 聖朝聲教及諸酋。

### 嚴子陵約臺

釣臺一隱豈空幽。報國心腸別樣周。雲閣諸臣追稷契。漢家憑我作巢由。莫從幣聘真商叟。曾效鷹揚亦呂侯。自是漁樵難付託。嚴灘終古獨風流。

### 續娶張氏韓太史紫東以詩寄贈卽次其韻

萬里歸來認雪泥。鴛床塵滿不能吹。鏡曾經破終難合。衣即可更豈易宜。繞膝嬉遊憐子幼。高堂趨省感兒時。迎新送舊情何極。且讀知交幼婦詞。

詩

詩

六八

其二

佳事已分今昔殊。一方垂鬢一撚鬚。修齊有道同新得。琴瑟難調亦味途。廚下羹湯親檢點。房中笑語故模糊。桃夭豈合中年賦。惟有戰兢永夜圖。

附來詩

三載禪心絮墮泥。忍聽樓上又簫吹。占熊已遂生男願。弋雁空言與子宜。物戀遺簪全素愛。思纏故劍憶微時。知君伉儷情殊厚。握管先吟感舊詞。

其二

二十年前事竟殊。于今忽□忍眉鬚。重□春信懷新艷。再訪仙源識舊途。得水枯魚加活潑。看花老眼未模糊。催粧愧乏丹青筆。繪出欽錢墮馬圖。

題鄒雲池憶母授經圖

一經舊德世研尋。訓滿護庭思不禁。對燭猶存機杼影。傳詩獨抱蓼莪心。事從過後方知好。親到衰年愈感深。堪羨母賢兼子孝。披圖却未見遺金。

壬子奉調晉省永邑士民餞送兼贈詩章率成

七律四首誌別

恩江四載迅駒馳。報最才疏愧未宜。衆志樂輸工幸舉。城堤廟宇各大工皆次第修理天心仁愛雨知時。永邑常苦旱余時爲獻在永四年不徇人情恐涉私。五十

三都增繫戀。殷勤賦話在臨歧。

其二

民俗端由士習先。楷模竊喜邑多賢。謂啓巖劉殿撰楚瞻最速副棘闈樹職指歸定。

連年延請徐荆山陳定齋。孝廉徐荆山陳定齋諸君子棘闈樹職指歸定。

主恩江求志兩書院講席。謂殿撰兩十載芸窗憐淡薄。書院薪火不敷捐廉增置額指

至三千三元蕊榜望聯翩。歲試劉生煜景縣府院文明日盛餘光遠。努力春華快着鞭。

詩

### 其二

五斗虎糜不自安。淳風善俗大爲難。每逢野酒携村叟。忘却催科是長官。弭盜時虞編戶擾。教民恭值御書攤。奉文編查保甲並請饒學師宣講能平恩怨吾何敢。寫出人情好共看。認刊散性理精義工役飯食皆自捐發

### 其四

書生面目本來真。淡泊家風不厭貧。敢謂懸魚追往哲。時懷封詐有嚴親。難忘舊尹前籌代。籌輸歷任虧短甚鉅欲衛斯民制挺新。將卸事時招勇團練捐廉莫笑囊空詩畫滿。千金論值倍當珍。遺烏鎗拾炮槍矛散給工食

### 劉生煜璋以詩寄懷即次其韻

春江握別又冬寒。余赴鄆時生奔送舟次極其依戀展誦華箋意一寬。豈爲論文常憶李。應誇國士首推韓。人從去後觀心易。詩到情來欲秘難。謬託知音期望遠。身名總向最高安。



志

親

堂

集

其二

勵志前修趕日暉。人惟自立莫輕非。倫常帖妥皆關學。寤寐安恬便覺希。得第祇緣花樣好。全名勝奪錦標歸。若從靜裡觀天地。更有真機妙哭微。

其三

舉世波狂識要堅。親師取友考遺篇。眼舒青白妨招忌。室有芝蘭足免嫌。匪獨文章堪報國。自安卑賤詎非賢。恩江先達咨深仰。前有歐陽文忠公近則效法劉彥威殿撰當所仰慕

無難尙勉旃。

其四

愴然兩地起悲鳴。抱恨無窮共不平。我泣辛魚淹遠道。君瞻寶婺倍傷情。

接生信後聞生亦丁內艱事當同病翻難慰。誼到相關又幾榮。感念生成期各盡。鄙懷曷惜此時傾。

崇義署中登樓思親

詩

詩

七二

遙指鄉園在翠微。高堂定省惜乖違。年來甘旨知多缺。白水青山寄不歸。  
在萬山中故云

題張仲玉孔雀畫扇

對鏡呼羣一舞風。添毫設色惜難工。豈知文繡皆身有。都在高人掌握中。

西南望月

一輪明月印千潭。水色天光處處含。今夜故鄉籬客路。無人解說到西南。

祝某年伯大人雙壽

牛斗灼灼光燭天。五星同聚奎宿躔。南極星精相蟬聯。瑤池桃熟開華筵。天上人間瑞氣連。物理應召口同然。家多壽考國多賢。一時佳話達幽燕。仲實作莘來泮川。循聲遠播口碑傳。高堂椿萱色共妍。舞綵斑衣繞膝前。時維八月桂花鮮。古稀雙度慶綿綿。奉檄試院聽茶煎。兕觥上壽爰稽延。眷戀庭園心猶懸。徵詩索句勞華箋。同祝遐齡集衆仙。人人寫就九如篇。予叨同譜頌八千。庚郵付寄秋雲巔。願壽無量福無邊。製錦稱觴不計年。

跋

志親堂集者。吾宗

賜階先生之所箸也。先生以名進士出宰劇邑。抑強扶弱。禮士愛民。永之人戴之。臨去時。扶老携幼餞送者。充溢衢路。雖甘棠之詠召公。無以過也。顧家本儒素。思博一第以慰親心。故其於八比文。用功最深。而他文從略焉。今所存者半登第後應酬之作。似有不經意處。而抒寫懷抱。多見道語。視夫雕章繪句以爲工者異矣。今春其誥嗣君銘明經。將以付梓屬爲校定。披讀一過。凡家居之孝友。宦績之循良。於是乎在。讀其文。可以想見其爲人。固非獨吾宗之光已也。因書數語於後。以驗後之能讀 先生之文者。

己丑 恩科舉人宗廷之椿敬跋

志 釋 堂 集

---

跋

七四